



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ
ՆԱԽԱՐԱՐՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77

N

91/9329

< 12 > 05 2023թ.

**Վարդգես Թումանյանին
Հասցե՝ ք. Երևան, Ս. Շահումյան փ. 226/1**

Ուղարկվում է Ձեր դիմումի հիման վրա հարուցված վարչական բողոքարկման վարույթի արդյունքում կայացված թիվ 8180194586 որոշումը բեկանելու և վարչական իրավախախտման վերաբերյալ գործի վարույթը կարճելու մասին որոշման օրինակը:

Առդիր՝ << 3 >> թերթ:

Հարգանքով՝

**Պեպի պարտականությունների ժամանակավոր
կատարող, ոստիկանության գնդապետ**

Ա. Մաթևոսյան

Կատարող՝ Վ. Մաթևոսյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 29.03.2023թ. կայացված թիվ 8180194586 որոշումը բեկանելու և վարչական իրավախախտման վերաբերյալ գործի վարույթը կարճելու մասին

« 02 » 05 2023թ.

ք.Երևան

ՀՀ ՆԳՆ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ Ա.Մաթևոսյանս, վերանայելով Վարդգես Թումանյանի (Այսուհետ՝ դիմող) 31.03.2023թ.-ին ՀՀ ՆԳՆ ոստիկանության պարեկային ծառայություն ստացված դիմումի հիման վրա՝ հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

29.03.2023թ.-ին՝ ժամը 22:20-ին, Շիրակի մարզի Գյումրի քաղաքի Խորենացու փողոցում դիմողի վարած «Շեվրոլետ» մակնիշի 4614 EA ժամանակավոր համարանիշի տրանսպորտային միջոցը կանգնեցվել է ՀՀ ՆԳՆ ոստիկանության պարեկային ծառայության Շիրակի մարզի գումարտակի կրտսեր պարեկ Միեր Մկրտչյանի կողմից՝ «ԱՊՊԱ մասին» ՀՀ օրենքի 5-րդ հոդվածի, 4-րդ մասի պահանջները խախտելու, այն է՝ առանց գործող ԱՊՊԱ պայմանագիր ունենալու տրանսպորտային միջոցը վարելու համար և «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն կազմվել է վարչական իրավախախտման վերաբերյալ արձանագրություն և կայացվել թիվ 8180194586 որոշումը՝ դիմողին 100.000 ՀՀ դրամ գումարի չափով տուգանելու մասին:

Դիմողը 31.03.2023թ.-ին ՀՀ ՆԳՆ ոստիկանության պարեկային ծառայություն ստացված դիմումով խնդրել է բեկանել ՀՀ ՆԳՆ ոստիկանության պարեկային ծառայության թիվ 8180194586 որոշումը, մասնավորապես հայտնելով, որ իր տրանսպորտային միջոցի համար ունի կնքված ԱՊՊԱ պայմանագիր և դիմումին կից ներկայացրել է՝ թիվ SM 773678 ԱՊՊԱ պայմանագրի, թիվ SM 773678 պայմանագրում փոփոխություններ կատարելու վերաբերյալ համաձայնագրերի պատճենները:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր,

այդ թվում՝ դիմումատուի օգտին առկա փաստական հանգամանքները, ձեռք բերված ապացույցները, ինչի արդյունքում պարզվել է, որ վարչական իրավախախտման գործով կայացված թիվ 8180194586 որոշումը ենթակա է բեկանման՝ հետևյալ պատճառաբանությամբ և հիմնավորմամբ.

Ուսումնասիրելով դիմումով ներկայացված «Ռեգո Ինշուրանսի» ապահովագրական ընկերության հետ կնքված թիվ SM 773678 պայմանագրի, թիվ SM 773678 պայմանագրում փոփոխություններ կատարելու վերաբերյալ համաձայնագրերի պատճենները և ՀՀ ՃՈ Էլեկտրոնային ռեգիստրի տվյալները պարզ է դառնում, որ կատարվել է համարանիշի փոփոխություն, մասնավորապես Գազիկ Կարապետյանին պատականոդ «Շեվրոլետ» մակնիշի 1G1ZD5ST2KF140995 նույնացման համարով, 8924 JT ժամանակավոր համարանիշը փոխարինվել 4614 EA ժամանակավոր համարանիշով, իսկ թիվ SM 773678 ԱՊՊԱ պայմանագիրը, որի գործողության ժամկետն է 20.03.2023թ.-ից մինչև 20.06.2023թ., կնքվել է 8924 JT ժամանակավոր համարանիշի, 1G1ZD5ST2KF140995 նույնացման համարով տրանսպորտային միջոցի համար:

Այսինքն 29.03.2023թ. ժամը 22:20-ի դրությամբ «Շեվրոլետ» մակնիշի, 1G1ZD5ST2KF140995 նույնացման համարով, 4614 EA ժամանակավոր համարանիշի տրանսպորտային միջոցի համար առկա է եղել գործող ԱՊՊԱ պայմանագիր:

Պարեկային ծառայության ծառայողի պարզաբանման համաձայն տրանսպորտային միջոցը առանց գործող ԱՊՊԱ պայմանագրի վարելու փաստը արտացոլվել է իրեն ամրակցված դյուրակիր համակարգչում առկա ծրագրում, ինչի հիման վրա կազմել է արձանագրություն և կայացրել է որոշում:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման՝ վարչական իրավախախտման դեպքի կամ կազմի բացակայության դեպքում:

«Վարչական իրավախախտումների վերաբերյալ» օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

Նույն օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրկրոսերիտակցությամբ:

Այսպիսով, ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 29.03.2023թ. կայացված թիվ 8180194586 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշման օրինակն ուղարկել դիմողին և ՀՀ ՆԳՆ ոստիկանության պարեկային ծառայության Շիրակի մարզի գումարտակ:
3. Սույն որոշումն ուժի մեջ է մտնում հանձնելու օրվան հանդիմանալու օրը և կարող է բողոքարկվել ՀՀ վարչական դատարան՝ ՀՀ վարչական դատավարության օրենսգրքի 72-րդ հոդվածով սահմանված ժամկետներում:

**Պերի պարտականությունների ժամանակավոր
կատարող, ոստիկանության գնդապետ**



Ա. Մաթևոսյան